

**(ciep banj 10)**

Siz Ginbingz youq ndaw baugau biujsiq, bingdoih yinzminz ciengxlwenx dwg aen bingdoih yinghyungz Dangj caeuq yinzminz baenzlawz cungj saenq ndaej gvaq haenx, miz saenqsim, miz bonjsaeh henhoh cawjgienz, dungjyiz guekgya caeuq diegguek caezcingj, miz saenqsim, miz bonjsaeh vih guhbaenz Cunghvaz Minzczuz fukhwng hungmbwk guh canloz cengdingj, miz saenqsim, miz bonjsaeh vih seiqgyaiq hozbingz caeuq hwngfat ok goeng-rengz engq daih!

Siz Ginbingz daegbied gangj daengz, dawzmaenh caeuq laebndei "aen guekgya ndeu song cungj cidu", doicaenh guekcoj dungjyiz

Siz Ginbingz youq ndaw aen baugau Ngeihcib Daih daegbied gangj daengz, dawzmaenh caeuq laebndei "aen guekgya ndeu song cungj cidu", doicaenh guekcoj dungjyiz.

Siz Ginbingz vixok, "aen guekgya ndeu song cungj cidu" dwg hangh cauuhung hungmbwk yiengh sevei cujyi miz gij daegsaek Cungguek, dwg yiengh cidu anbaiz ceiq ngamj hawj Yanghgangj, Aumwnz gvidauq le ndaej iticg hoengghwd onjdingh, bietdingh aeu ciengzgeiz guh roengzbae.

Cienzmienh cinjdeng, giendingh mbouj bienq gvancez diuz fuengcim "aen guekgya ndeu song cungj cidu", "vunz Yanghgangj guenj Yanghgangj", "vunz Aumwnz guenj Aumwnz", gagguenj lailai neix, dawzmaenh ciuqfap ceihleix Yanghgangj ceihleix Aumwnz, henhoh aen yenci cizsi dwzbez hingzcwnggih youq ndaw Yenfaz caeuq Gihbnwifaz gaenq doekdingh haenx. Dawzmaenh caeuq laebndei aen cidu diji "aen guekgya ndeu song cungj cidu", doeksaed aen gienzlig cunghyangh cienzmienh ceihleix dwzbez hingzcwnggih, hengz ndei aen yenzcwz "bouxgyaezguek guenj Yanghgangj" "bouxgyaezguek guenj Aumwnz", doeksaed gij faplwd cidu caeuq gij ghi ciaphengz dwzbez hingzcwnggih henhoh guekgya ancienz. Baujciz yiengh cidu swbhwnj cujyi Yanghgangj, Aumwnz caeuq gij fuengsik gvaq ndwenngoenz gyoengqde ciengzgeiz mbouj bienq, coicaenh Yanghgangj, Aumwnz ciengzgeiz mwnhoengh onjdingh.

Haeujcoengh Yanghgangj, Aumwnz guh-hoengh ginghci, gajndeidei gwndaenj beksingq, buqgej gij doxdawz caeuq vwndiz caengzlaeg mwh ginghci sevei fazcanj miz ok haenx. Leihyung hawj ndei caeuq gij daegdiemj Yanghgangj, Aumwnz, gyamaenh caeuq daezswng aen diegvih Yanghgangj, Aumwnz youq gozci ginhyungz, mouyiz, hangzyin hangzgungh, gohgi cauhamoq, vwnzva lijyouz daengj lingjyiz haenx, hawj Yanghgangj, Aumwnz caeuq gak guek gak digih baedauq doxgap engqgya hailangh, engqgya gaenjmaed. Hwnjheiq bae hwnqguh Yez Gangj Au Davanhgih, haeujcoengh Yanghgangj, Aumwnz engq ndei yungzhaeuj aen daihbuenz guekgya fazcanj bae, vih Cunghvaz Minzczuz ndaej fukhwng hungmbwk lai ok goengrengz.

Siz Ginbingz youq ndaw baugau daegbied gangj daengz, gajgez aen vwndiz Daizvanh, guhdaengz guekcoj cienzbouh dungjyiz, dwg aen lizsij yinvu Dangj raeuz dinghsim mbouj bienq, dwg aen simmuengh caezcaemh daengxcungq lwglan Cunghvaz, dwg guhbaenz Cunghvaz Minzczuz fukhwng hungmbwk bietdingh aeu baenzneix guh. Hengzdingh aen cungjdae fanghloz Dangj raeuz youq seizdaih moq gajgez gij vwndiz Daizvanh haenx, gaemndaet gaem-maenh gij gienz dazyinx caeuq gienz guhcawj cawqleix song hamq gvanhaeh, giendingh mbouj

bienq bae doicaenh guekcoj dungjyiz.

Diuz fuengcim "hozbingz dungjyiz, aen guekgya ndeu song cungj cidu", dwg aen fuengsik ceiq ndei coibaenz song hamq dungjyiz, doiq gyoengq beixnuengx song hamq caeuq Cunghvaz Minzczuz ceiq ndei. Raeuz hengzdingh gij yenzcwz aen Cungguek ndeu caeuq "gij nyinhrox doxdoengz goujngeih nienz", aeu neix guh giek, caiq bae caeuq Daizvanh gak dangjbai, gak gyaiqbied, gak gaihcnwngz yinzsw gvangqlangh haeujlaeg bae doxyaeng gij vwndiz song hamq gvanhaeh caeuq guekgya dungjyiz, doengzcaez doidoengh song hamq gvanhaeh hozbingz fazcanj, gyavaiq yamqdin guekcoj hozbingz dungjyiz. Raeuz laebdaeb comzgiat gyoengq beixnuengx Daizvanh, giendingh haeujcoengh gij ligliengh gyaezguek dungjyiz ndaw Daizvanh, doengzcaez gaemndei aen fuengyiengq lizsij baenaj, soujmaenh gij cingqngieih minzczuz, giendingh fanjdoiq "Daizduz" coicaenh dungjyiz. Aen guekcoj hungmbwk raeuz ciengxlwenx ndaej vih sojmiz gyaezguek dungjyiz ligliengh cengjhwet rengzrdw!

Gyoengq beixnuengx song hamq lwed-meg doxrangh, dwg ranz vunz caemh goetyiet ndeu. Raeuz seizseiz gingqconggh, gvansim, hohfuk gyoengq beixnuengx Daizvanh, laebdaeb roengzrengz bae coicaenh song hamq ginghci vwnzva gyaulouz doxgap, coihawj song hamq youq gak aen lingjyiz yungzhab fazcanj haeujlaeg, laebcaez gij cidu caeuq cwngcwz hawj beixnuengx Daizvanh ndaej fukfaenh engq lai, doidoengh song hamq caezcaemh hwngcienz Cunghvaz vwnzva, coicaenh song hamq beixnuengx simhoz doxngamj.

Siz Ginbingz youq ndaw baugau vixok, Daizvanh dwg aen Daizvanh Cungguek. Baenzlawz gajgez aen vwndiz Daizvanh dwg gij saeh vunz Cungguek bonjfaenh, youz vunz Cungguek daeuj gietdingh. Raeuz dingjmaenh yung hawj caensim ceiq laux, caenh gij rengz ceiq hung bae ceng' aeu hozbingz dungjyiz, hoeng baenzlawz cungj mbouj wngqcingz mbouj yung hawj cungqbauq bae hoenx, caemhcaiq baujlouz gij gienzlig sawjyung hawj sojmiz banhfap noix mbouj ndaej haenx, gijneix dwg cimdoi q gij seiqlig rogguek capfwngz caeuq gig siujsoq "Daizduz" faenmbek fwswj nem gij guhfap faenmbek gyoengqde, nyengh mbouj dwg cimdoi q gyoengq beixnuengx Daizvanh. Aen loekci guekgya dungjyiz, minzczuz fukhwng gingj baenaj foedfoed, guekcoj cienzbouh dungjyiz itdingh aeu guhbaenz, hix itdingh ndaej guhbaenz!

Siz Ginbingz daezok, coicaenh seiqgyaiq hozbingz caeuq fazcanj, doidoengh cauhaeb aen minghyinh caezcaemh vunz lajmbwn

Siz Ginbingz youq ndaw aen baugau Ngeihcib Daih daezok, coicaenh seiqgyaiq hozbingz caeuq fazcanj, doidoengh cauhaeb aen minghyinh caezcaemh vunz lajmbwn.

Siz Ginbingz youq ndaw baugau biujsiq, seizneix, seiqgyaiq, seizdaih, lizsij cungj cingqcaih fatseng bienqvaq, gij bienqvaq yienghsik de doenghbaez caengz raen gvaq. Aen fuengmienh ndeu, gij lizsij cauqliuz hozbingz, fazcanj, doxgap, caezhingz baenzlawz cungj dangj mbouj ndaej, simvunz maqmuengh, seizseiq baenaj, gietdingh diuzroen baihnaj vunzloih bietdingh yaek doeng haeuj giz ronghsagsag bae. Lingh aen fuengmienh, baengh ak haep nyieg, yaeh aeu dued aeu, guh yiengh doxdax mbouj hingz couh baih daengj yienghsaeh hengzak hengzmanz hengzyak sienghah gig laeg, doengh yiengh yung hawj

haeuj noix cauhaenz hozbingz yiemqsoq, fazcanj yiemqsoq, ancienz yiemqsoq, ceihleix yiemqsoq yied daeuj yied naek, aen biengz raeuz seizneix bungzdaengz gij diuhcan doenghbaez caengz miz gvaq. Seiqgyaiq caiq baez ndwn youq bakroen camca, yaek hawj lizsij byaij coh baihlawz, aeu youz gij yinzminz gak guek bae genjleh.

Cungguek itcig dawzmaenh aen vaigyauh cwngcwz aeu henhoh seiqgyaiq hozbingz, coicaenh doengzcaez hwngfat guh simmuengh codauez haenx, roengzrengz doidoengh cauhaeb aen minghyinh caezcaemh vunz lajmbwn.

Siz Ginbingz youq ndaw baugau vixok, Cungguek giendingh ciuhqengz aen hozbingz vaigyauh cwngcwz doglaeb gag guhcawj, itcig yawj saehcingz bonjndang dwg deng dwg loek bae gietdingh gij lizcangz caeuq cwngcwz swheij, henhoh gij gihbnw cunjcwz gozci gvanhaeh, henhoh gozci goengbingz cingqngieih, laemxsim bae fanjdoi q doengh gij bagenz cujyi caeuq giengzgienz cwngci sojmiz hingzsiq, fanjdoi q gij swheiz lwngjcan, fanjdoi q capfwngz luenh guenj gij saeh baihdaw guekwnq, fanjdoi q gienh saeh ndeu dingh song aen biucinj. Cungguek ciengxlwenx mbouj baengh giengzseiq heifouh guekwnq, ciengxlwenx mbouj ciemqaeu gij diegdeih guekwnq.

Siz Ginbingz youq ndaw baugau vixok, Cungguek dawzdingh youq aen giekdae hozbingz caemhyouq haj hangh yenzcwz bae caeuq gak guek doxndei doxgap, doidoengh cauhaeb gij gozci gvanhaeh yienghmoq, ciuq bingzdaengj, hailangh, gapguh bae riengz daengx biengz gapdoi h, roengzrengz bae gyalai gij leih' ik guek raeuz caeuq gak guek doxgap doxrangh haenx. Coicaenh guek hung doxdaengh caeuq doxcoi hwngfat, doidoengh ndalaeb aen gvaenghgaq yiengh gvanhaeh guekchung hozbingz caemhyouq, cungjdae onjdingh, bingzyaenx hwngfat. Dawzmaenh aen vaigyauh fuengcim caensim doxndei doxik bauyungz nem caeuq gij guekgya gekleiz doxndei, caeuq gij guekgya gekleiz guhdoi h, gyalag caeuq doengh aen guekgya seiqhenz doxndei doxsaenq, leih' ik doxyungz. Dawzdingh gij leixniemh caensaed caensim caeuq gij gvanhnen gvendaengz cingqngieih leih' ik cingqdeng bae caeuq doengh aen guekgya cingqcaih fazcanj haenx lailai doxgiet gapguh, henhoh gij leih' ik caezcaemh doengh aen guekgya cingqcaih fazcanj de.

Cungguek dawzmaenh aen gihbnw gozcwz doi q rog hailangh neix, giendingh ciuhqengz aen canloz hailangh doxleih caezhingz, mboujduenh aeu gij hwngfat moq Cungguek daezgung seizgei moq hawj daengx seiqgyaiq, doidoengh guhhwng yiengh ginghci mienhdoi q daengx seiqgyaiq hailangh haenx, hawj gak guek yinzminz ndaejleih ngoenz beij ngoenz lai. Cungguek dawzmaenh aen fuengyiengq cingqdeng ginghci lajmbwn doxning doxrangh, nyoengx hawj mouyiz caeuq douzsw hawj bienq ndaej swyouz bienhleih, doicaenh song mbiengj, ranghdieng caeuq lai mbiengj doxgap, coihawj gij cwngcwz gozci hungzgvanh ginghci boiqhab habngamj, doengzcaez cauh' ok gij gozci vanzging doi q hwngfat mizleih haenx, doengzcaez ganqfat gij rengznoengx moq hawj seiqgyaiq cungj ndaej hwngfat de, fanjdoi q gag guh baujhoh, fanjdoi q "cuk ciengz lanz loh", "duet ngaue daet lienh", fanjdoi q mbiengj dog gag ceihcaiz, atnaenx daengzdae bae. Cungguek nyienh gyalai douzcienz haeuj gij swhyenz ndaej coihawj seiqgyaiq hwngfat gapguh haenx, roengzrengz bae sukiq Namz Baek cengca, giendingh haeujcoengh caeuq bangcoh gij guekgya cingqcaih fazcanj de gyavaiq hwngfat.

(cienj banj 12)